## **Universal Declaration of Human Rights - Malay (Arabic)**

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

## قراشتهارن حق اساسی مأنسی سجاکت

مقدمه

بهاواساث ڤڠيعترافن كأوتوهن كموليأن دان حق سامرات سرتا اساسي يڠ تق ترڤيسه باڬي سلوروه اومت مأنسي عداله اساس كبيبسن، كعاديلن دان كداماين دنيا.

بهاواساث ڤڠاباين سرتا ڤڠهينأن ترهادڤ حق اساسي مأنسي تله ڤون مڠعاقبتكن تيندقن تركوتوق يڠ تله ملڠڬري ڤراسأن هاتي اومت مأنسي، دان مونچولث سبواه دنيا د مان مأنسي اكن منعمتي كبيبسن براوچڤ دان مڠانوت كڤرچايأن سرتا كبيبسن دري راستاكوت دان چيتاراس تله ڤون دأشتهاركن سباكاي اسڤيراسي تراكوڠ سلوروه اومت مأنسي.

سكيراث كيت تيدق ماهو مندوروڠ مأنسي دالم كأدأن تردسق، سباڬاي ڤيليهن تراخير، ممبرونتق ممنتڠ كظاليمن سرتا ڤنيندسن، مك عداله ڤنتيڠ باڬي حق اساسي مأنسي دڤرتاهنكن اوليه كدولتن اوندڠ٢.

بهاواسان عداله ڤنتيڠ باڬي مماجوكن ڤركمبڠن ڤرهوبوڠن ڤرصحابتن د انتارا نڬارا٢.

بهاواساڻ رعيت بغسا۲ برساتو، دالم ڤياڬمڻ تله سكالي لاڬي منڬسكن كڤرچايأن مريك ترهادڤ حق اساسي مأنسي، ترهادڤ كموليأن سرتا نيلايديري مأنسي دان ترهادڤ حق سامرات للاكي دان ڤرمڤوان دان تله منتڤكن كعزمن اونتوق مماجوكن ڤركمبڠن سوسيال دان طرف هيدوڤ يڠ لبيه سمڤرنا دالم سواسان كبيبسن يڠ لبيه لواس.

بهاواسان نڭارا۲ اڠڬوتا تله براقرار اونتوق ماسيڠ۲ منچاڤاي، دڠن كرجاسام بڠسا۲ برساتو، ڤڠوتارأن كحرمتن سجاڬت ترهادڤ، سرتا ڤماتوهن، حق اساسي مأنسي دان كېيبسن اساسي.

بهاواسان ساتو فهمن برسام ترهادڤ حق سرتا كبيبسن اين سلوروهن عداله ترڤنتيڠ دمي منجاديكن اقرار اين كثاتأن سڤنوهن.

مك دڠن اين

## قرهيمڤونن اڬوڠ مڠيشتهاركن

قراشتهارن سجاكت حق اساسي مأنسي اين سباكاي سواتو اوكورن برسام ترهادڤ ڤنچاڤاين اوليه سلوروه اومت مأنسي دان كسموا نكارا دڠن توجوان سوڤاي ستياڤ اينديۏيدو دان ستياڤ بادن مشاركت، دڠن سننتياس مڠيڠتي ڤراشتهارن اين، هندقله برعزم ملالؤي ڨڠاجرن دان ڨنديديقن باكي مماجوكن سانجوڠن ترهادڤ سلوروه حق۲ دان كبيبسن اين دان سچارا لڠك٢٥ برڨريڠكت ڨريڠكت، د بيدڠ نكارا دان انتارابڠسا، باكي منجامينكن ڨڠيعترافن دان ڨماتوهن سجاكتڻ يڠ بركسن، كدوا دواڻ د انتارا نكارا۲ اڠكوتا ماسيڠ۲ دان رعيت ولايه۲ د باوه بيدڠكواس مريك.

ڤركارا 1.

سموا مأنسي دلاهيركن بيبس دان سامرات دري سكٰي كموليأن دان حق٢. مريك ممڤوثاي ڤميكيرن دان ڤراسأن هاتي دان هندقله برتيندق د انتارا ساتو سام لائن دڠن سماڠت ڤرساودارأن.

ڤركارا 2.

ستياڤ اورڠ عداله برحق كڤد سموا حق٢ دان كبيبسن يڠ ترمكتوب دالم ڤراشتهارن اين، تنڤا سبارڠ اڤ جوا ڤمبيذأن، سڤرتي بڠسا، ورنا كوليت، جنتينا، بهاس، اڬام، فهم ڤوليتيك اتاو لائن٢ فهمن، اصل اصول بڠسا كتورونن اتاو سوسيال هرتا بندا، كلاهيرن اتاو اڤ٢ طرف لائن.

ستروسث، تياد سبارڠ ڤمبيذأن بوليه دبوات براساسكن ڤادا طرف ڤوليتيك اتاو بيدڠكواس اتاوڤون انتارابڠسا سسبواه نڭارا اتاو ولايه داتڠڽ سساَورڠ ايت، سام اياڻ مرديك، برامانه، تنڤا ڤمرينتهن سنديري اتاو براد د باوه اڤ٢ سكتن كدولتن لائڨ.

ڤركارا 3.

ستياڤ اورڠ عداله برحق كڤد ثاوا، كبيبسن دان كسلامتن ديري.

ڤركارا 4.

تياد سسياڤا ڤون بوليه دڤرهمبا اتاو دڤرعبديكن; كعبدين دان داڬڠن همبا عبدي هندقله دلارڠ دالم سموا بنتوقڨ.

ڤركارا 5.

تياد سسياڤا ڤون بوليه دكناكن سيقسأن اتاو لاينن اتاو حكومن يڠ ظاليم، تيدق برڤريكمأنسيأن اتاو مڠهيناكن.

ڤركارا 6.

ستياڤ اورڠ عداله برحق كڤد ڤڠيعترافن د مان جوا سباڬاي سأورڠ انسان د سيسي اوندڠ٢.

ڤركارا 7.

سموا اورڠ عداله سامرات د سيسي اوندڠ۲ دان برحق تنڤا اڤ۲ ڤمبيذأن كڤد ڤرليندوڠن يڠ سامرات د سيسي اوندڠ۲. سموا اورڠ عداله برحق كڤد ڤرليندوڠن يڠ سامرات درڨد سبارڠ ڨمبازأن يڠ ملڠڬر ڤراشتهارن اين دان درڨد سبارڠ هاسوتن ترهادڨ ڤمبيذأن سدمكين.

ڤركارا 8.

ستياڤ اورڠ عداله برحق كڤد ڤموليهن يڠ بركسن اوليه تريبونل٢ كبڠسأن يڠ كومڤيتين ترهادڤ تيندقن٢ يڠ ملڠڬر حق٢ اساسي يڠ دبريكنث اوليه ڤرلمباڬأن اتاو اوليه اوندڠ٢.

ڤركارا 9.

تياد سسياڤا ڤون بوليه دكناكن تڠكڤن، تاهنن اتاو ڤمبواڠن نڬري سچارا سوينڠ وينڠڽ.

ڤركارا 10.

ستياڤ اورڠ عداله برحق دڠن سامرات سڤنوهث كڤد ڤمبيچارأن عاديل دان تربوك اوليه سواتو تريبونل بيبس دان سقسام، دالم ڤنتڤن حق٢ دان تڠڬوڠنث دان سبارڠ تودوهن جنايه ترهادڨث.

ڤركارا 11.

1. ستياڤ اورڠ يڠ دتودوه دڠن کسالهن کسکسأن عداله برحق دأڠڬڤ تيدق ساله سهيڠڬ دبوقتيکن ساله منوروت اوندڠ٢ د دالم ڤربيچارأن تربوك د مان دي تله دبريکن سکالا جامينن يڠ ڨرلو اونتوق ڨمبلًانڽ.

2. تياد سسياڤا ڤون بوليه دڤوتوسكن برساله اتس سبارڠ كسالهن كسكسأن اوليه كران سبارڠ تيندقن اتاو كتيڠڬلن يڠ تيدق مروڤاكن سواتو كسالهن كسكسأن، د سيسي اوندڠ۲ كبڠسأن اتاو انتارابڠسا، ڤادا ماس اياڨ دلاكوكن. تياد ڤولا بوليه دكناكن سبارڠ حكومن يڠ لبيه برت دري حكومن يڠ ترڨاكاي كتيك كسالهن كسكسأن ايت دلاكوكن.

ڤركارا 12.

تياد سسياڤا ڤون يڠ بوليه دكناكن كڤد سبارڠ كڠڬوان سوينڠ وينڠڨ ترهادڤ كأدأن ڤريبادي، كلوارك، رومهتڠك اتاو سورت مثورتڽ، اتاو ڤرچروبوهن كأتس مرواه دان نام بائڨڻ. ستياڤ اورڠ برحق كڤد ڤرليندوڠن اوندڠ٢ ترهادڤ ڬڠڬوان اتاو ڤرچروبوهن سدمكين.

ڤركارا 13.

1. ستياڤ اورڠ عداله برحق كڤد كبيبسن بركرق دان برمستوطين د دالم سمڤادن سسبواه نڭارا.

2. ستياڤ اورڠ برحق منيڠڬلكن مان٢ نڬارا، ترماسوق نڬاراڻ سنديري، دان كمبالي سمولا كنڬاراڻ.

ڤركارا 14.

- 1. ستياڤ اورڠ برحق مموهون دان منعمتي ڤرليندوڠن ڤوليتيك دالم نڭارا لائن درڤد سبارڠ انياي.
- 2. حق این تیدق بولیه دتونتوت باکٰي ڤندعوأن یڠ بنر۲ تیمبول درڤد کسالهن بوکن ڤولیتیك اتاو درڤد تیندقن یڠ برتنتڠن دڠن توجوان۲ دان ڤرینسیڤ۲ بڠسا۲ برساتو.

ڤركارا 15.

- 1. ستياڤ اورڠ عداله برحق كڤد سواتو كورڬانڬارأن.
- 2. تياد سسياڤا ڤون بوليه دلوچوتكن كوركانكارأنڻ سچارا سوينڠ وينڠڽ اتاو دنافيكن حق منوكر كوركانكارأنث.

ڤركارا 16.

- 1. للاكي دان ڤرمڤوان ديواس، تنڤا مڠيرا بڠسا، كورڬانڬارأن اتاو اڬام، برحق بركهوين دان منوبوهكن كلوارك. مريك عداله برحق كڤد حق٢ سامرات برهوبوڠ دڠن ڨركهوينن، دالم تيمڨوه ماس ڨركهوينن دان ڨادا ڨمبوبرنڽ.
  - 2. ڤركھوينن ھاڻ بوليه دلقساناكن دڠن ڤرستوجوان بيبس دان سڤنوھڻ اوليه ڤيھق٢ يڠ برچادڠ اونتوق بركھوين.
  - 3. كلوارك عداله يونيت كومڤولن سمولاجادي دان اساسي دالم مشاركت دان عداله برحق كڤد ڤرليندوڠن اوليه مشاركت دان نڭارا.

ڤركارا 17.

- 1. ستياڤ اورڠ برحق مميليقي هرتا سچارا برسنديرين سرتا سچارا برکوڠسي دڠن اورڠ لائن.
  - 2. تياد سسياڤا ڤون بوليه دلوچوتكن هرتا بنداڻ سچارا سوينڠ وينڠڽ.

ڤركارا 18.

ستياڤ اورڠ عداله برحق كڤد كبيبسن برفيكير، ڤراسأن هاتي دان اڬام; حق اين ترماسوقله كبيبسن منوكر اڬام اتاو كڤرچايأنث، دان كبيبسن، سمادا سچارا برسنديرين اتاو سچارا برسام سام دڠن اورڠ۲ لائن دان سچارا تربوك اتاو برسنديري، مڠانوتي اڬام اتاو كڤرچايأنڻ ملالؤي ڤڠاجرن، عملن، ڤموجأن دان ڤماتوهن.

ڤركارا 19.

ستياڤ اورڠ عداله برحق كڤد كبيبسن ڤنداڤت دان مڠلواركن فيكيرن; حق اين ترماسوقله كبيبسن ممڬڠ ڤنداڤت تنڤا ڬڠڬوان دان منونتوت، منريما دان مثيباركن معلومت دان بواه فيكيرن ملالؤي سبارڠ ميديا دان تنڤا مڠيرا سمڤادن.

ڤركارا 20.

- 1. ستياڤ اورڠ عداله برحق كڤد كبيبسن برهيمڤون سچارا امان دان منوبوهكن ڤرساتوان.
  - 2. تياد سسياڤا ڤون بوليه دڤقسا منجادي اهلي مان٢ ڤرتوبوهن.

ڤركارا 21.

- 1. ستياڤ اورڠ برحق مڠمبيل بهاڬين دالم كراجأن نڬاران، سچارا لڠسوڠ اتاو ملالؤي واكيل٢ يڠ دڤيليه دڠن بيبس.
  - 2. ستياڤ اورڠ عداله برحق كڤد ڤلواڠ سامرات كڤد ڤرخدمتن عوام دالم نڬاراڽ.
- 3. كماهوان رعيت هندقله منجادي اساس كويباوأن كراجأن; كماهوان اين هندقله دبوقتيكن ملالؤي ڤيليهنراي بركالا يڠ سجاتي يڠ مان هندقله دأداكن سچارا سجاڬت دان سامرات دان هندقله دأداكن سچارا اوندي سوليت اتاو ملالؤي اچارا ڤڠوندين بيبس يڠ كتارا.

ڤركارا 22.

ستياڤ اورڠ، سباڬاي اڠڬوتا مشاركت، عداله برحق كڤد كسلامتن سوسيال دانس برحق منجاديكن سواتو كثاتأن، ملالؤي اوسها نڬارا دان كرجاسام انتارا بڠسا دان منوروت اورڬانيساسي دان سومبر۲ دالم نڬارا ماسيڠ۲، حق۲ ايكونومي، سوسيال دان كبودايأن يڠ ترمستي باڬي كموليأنڻ دان ڤركمبڠن بيبس كڤريبادينث.

ڤركارا 23.

- 1. ستياڤ اورڠ عداله برحق كڤد ڤكرجأن، كڤد ڤميليهن ڤكرجأنڨ سچارا بيبس، كڤد كأدأن٢ ڤكرجأن يڠ عاديل دان برفائده باڬيڨ دان كڤد ڤرليندوڠن درڤد ڤڠڠڬورن.
  - 2. ستياڤ اورڠ، تنڤا سبارڠ ڤمبيذأن، عداله برحق كڤد ڤڠڬاجين يڠ سام باڬي كرجا يڠ سام.
  - 3. ستياڤ اورڠ يڠ بكرجا عداله برحق كڤد ڤمبايرن سارأن يڠ عاديل دان برفائده باڬيڻ يڠ مان ممڤستيكن بوات ديري دان كلواركڻ سواتو كهيدوڤن سسواي دڠن كموليأن مأنسي، دان يڠ مان دتمبه، جك ڤرتو، اوليه چارا۲ ڤرليندوڠن سوسيال يڠ لائثن.
    - 4. ستياڤ اورڠ برحق منوبوه دان منجادي اهلي كساتوان سكرجا باڬي ممڤرليندوڠي كڤنتيڠن كڤنتيڠنث.

ڤركارا 24.

ستياڤ اورڠ عداله برحق كڤد ريهات دان ماس لاڤڠ، ترماسوق باتسن مناسبه كأتس ماس بكرجا دان چوتي برڬاجي يڠ بركالا.

ڤركارا 25.

- 1. ستياڤ اورڠ عداله برحق كڤد سواتو طرف هيدوڤ يڠ ممادائ باڬي كصيحتن دان كباجيقن ديري دان كلوارڬڽ، ترماسوقله ماكنن، ڤاكاين، ڤرومهن دان ڤڠاوسن ڨراوبتن سرتا ڨرخدمتن سوسيال يڠ ڨرلو، دان برحق كڤد ڨرليندوڠن كتيك برلاكوڻ ڨڠڠڬورن، كساكيتن، كتيدقاوڨايأن، دڨرجندأن، كعزورن اتاو لائن٢ ككورڠن كهيدوڨن دالم كأدأن د لوار كاولنڽ.
  - 2. ايبو دان انق عداله برحق كڤد جاڬأن سرتا بنتوان خاص. سموا كانق٢، سمادا دلاهيركن د دالم ماهوڤون د لوار نكاح، هندقله منعمتي ڤرليندوڠن سوسيال يڠ سام.

ڤركارا 26.

- 1. ستياڤ اورڠ عداله برحق كڤد ڤلاجرن. ڤلاجرن هندقله دبريكن ڤرچوما، سكورڠ كورڠث ڤادا ڤريڠكت اول دان اساسث. ڤلاجرن ڤريڠكت اول هندقله دواجبكن. ڨلاجرن تيكنيكل سرتا ڨروفيسيونل هندقله دسدياكن اونتوق عموم دان ڨلاجرن تيڠكي هندقله ممڨوثاي اكسيس يڠ سامرات كڤد سموا اورڠ اتس داسر كبوليهن.
  - 2. ڤلاجرن هندقله دتوجوكن كڤد ڤركمبڠن سڤنوهڻ كڤريبادين مأنسي دان كأره ممڤركوكوهكن لاڬي راس حرمت باڬي حق٢ دان كبيبسن اساسي مأنسي، لاڻ هندقله مموڤوق ڤرسفهمن، كصبرن دان ڤرصحابتن د كالڠن سموا نڬارا، بڠسا اتاو كومڤولن٢ اڬام، دان هندقله مماجوكن سڬالا كڬياتن بڠسا٢ برساتو دمي ممليهارا كأمانن.
    - 3. ايبو باڤ ممڤوثاي حق تردهولو اونتوق مميليه جنيس ڤلاجرن يڠ اکن دبريکن کڤد انق٢ مريك.

ڤركارا 27.

- 1. ستياڤ اورڠ برحق سچارا بيبس مڠمبيل بهاڬين دالم كڬياتن كبودايأن مشاركتڽ، منعمتي كسنين دان سام٢ مراسائ كماجوان سائنس دان فائده فائدهڽ.
- 2. ستياڤ اورڠ عداله برحق كڤد ڤرليندوڠن كڤنتيڠن٢ مورل دان كبندأن حاصيل دري سبارڠ ڤڠحاصيلن سائنس، كسوسسترأن اتاو كسنين يڠ مان اياڨ عداله ڤنچيڤتاڽ.

ڤركارا 28.

ستياڤ اورڠ عداله برحق كڤد سواتو سوسونن سوسيال دان انتارابڠسا دالم مان حق٢ اساسي دان كبيبسن يڠ ترمكتوب دالم ڤراشتهارن اين بوليه دجاديكن كثاتأن سڤنوهڽ.

ڤركارا 29.

- 1. ستياڤ اورڠ ممڤوثاي كواجيڤن ترهادڤ مشاركت هاڻ دالم مان ڤركمبڠن كڤريبادينڻ سچارا بيبس دان سلوروهڻ ترموڠكين.
- 2. دالم مڠعملكن حق٢ دان كبيبسنث، ستياڤ اورڠ ترتعلوق هاڨ كڤد باتسن٢ سڤرتي يڠ دتنتوكن اوليه اوندڠ٢ سماتا مات باڬي توجوان منجامين ڤڠيعترافن دان ڨڠحرمتن يڠ سڤاتوتڻ ترهادڤ حق٢ دان كبيبسن اورڠ لائن دان اونتوق مندكتي كڤرلوان٢ سڤاتوتڻ باڬي اخلاق، كتنترمن عوام دان كباجيقن عموم دالم سواتو مشاركت يڠ ديموكراتيك.
  - 3. حق۲ دان كبيبسن اين تيدق بوليه سام سكالي دعملكن سچارا برتنتڠن دڠن توجوان۲ دان ڤرينسيڤ۲ بڠسا۲ برساتو.

ڤركارا 30.

تياد اڤ٢ جوا دالم ڤراشتهارن اين بوليه دتفسيركن سباڭي سديا ترسيرت ممبريكن كڤد مان٢ نكارا، كومڤولن اتاو ڤرسأورڠن سبارڠ حق اونتوق مليبتكن ديري دالم اڤ٢ كڬياتن اتاو ملاكوكن اڤ٢ ڤربواتن دڠن توجوان مموسنهكن اڤ٢ حق دان كبيبسن يڠ ترمكتوب دالم ڤراشتهارن اين.